

*Resolución do 10 de xuño de 2021 pola que se convoca concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, para cubrir postos de persoal docente en prazas sometidas a convenio ou a programas específicos desta consellería.*

O Decreto 244/1999, do 29 de xullo, polo que se regula a cobertura de diversas prazas por persoal funcionario público docente que imparte ensinanzas de niveis non universitarios prevé no seu artigo 3.2 que nos convenios que a Administración educativa estableza con outras administracións públicas, universidades, institucións, entidades ou empresas públicas ou privadas sen ánimo de lucro, para realizar actividades educativas, para o desenvolvemento de programas, unidades ou centros, poderá, de ser o caso, determinarse o sistema de cobertura de prazas que poidan resultar necesarias para o cumprimento deles. A provisión das prazas para cubrir pola Consellería de Educación e Ordenación Universitaria realizarase a través dun concurso específico de méritos para a súa provisión mediante nomeamento temporal, con reserva do posto de traballo de orixe, polo período de tempo que se estableza na correspondente convocatoria, que en ningún caso poderá exceder de seis anos.

Así mesmo, o artigo 5 do dito decreto establece que se poden cubrir por este mesmo procedemento aquelas prazas que favorezan a elaboración de proxectos, innovacións curriculares ou metodolóxicas, entre as cales existen prazas de recente implantación ou de difícil cobertura polo procedemento ordinario.

Ao ser necesaria a provisión de distintas prazas por mor dos diversos convenios entre a Administración educativa e distintas institucións ou entidades a que se refire o citado artigo 3 do Decreto 244/1999, do 29 de xullo e outras incluídas no artigo 5 do dito decreto e tendo en conta a habilitación que figura na disposición derradeira primeira do mesmo decreto, que autoriza á persoa titular da consellería para ditar as disposicións que sexan precisas para a súa aplicación e desenvolvemento.

A Consellería de Cultura, Educación e Universidade

ACORDA:

Artigo 1. *Obxecto*

Convocar un concurso público de méritos específico entre persoal funcionario de carreira dos corpos docentes que impartan ensinanzas reguladas na Lei orgánica 2/2006, do 3 de maio, de educación, para adxudicar en comisión de servizos as prazas que figuran no anexo I desta orde.

### *Artigo 2. Participantes e requisitos*

Poderá participar nesta convocatoria o persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, que estea en servizo activo na Comunidade Autónoma de Galicia no curso académico 2020-2021 e que estea en posesión do título de perfeccionamento en lingua galega ou do certificado de lingua galega (Celga 4) ou certificación ou validación equivalente.

Enténdese tamén en situación de servizo activo na Comunidade Autónoma de Galicia o 31 de agosto de 2021 aquel persoal docente que desde un destino definitivo da Comunidade Autónoma de Galicia accedeu a un posto docente no estranxeiro e que debe reincorporarse obrigatoriamente a esta comunidade no próximo curso académico.

Así mesmo tamén poderá participar o persoal funcionario de carreira dos corpos docentes que se atope na situación de excedencia voluntaria concedida pola Consellería de Cultura, Educación e Universidade e, se se trata do suposto de excedencia voluntaria por interese particular recollida no artigo 173 da Lei 2/2015, do 29 de abril, de emprego público de Galicia, só poderán participar se ao finalizar o curso escolar en que se realice esta convocatoria tivera transcorrido un ano desde que pasaron a esta situación. Tamén poderá participar o persoal funcionario de carreira dos corpos docentes desta consellería que estea en comisión de servizos fóra desta comunidade autónoma.

### *Artigo 3. Solicitudes e documentación*

Aínda que concurse a máis dunha praza o persoal concursante presentará unha única solicitude axustada ao modelo que figura como anexo II, coa que achegará cuberta a folla de autobaremación que figura como anexo IV e a documentación que se indica no baremo que figura como anexo III para a acreditación dos méritos que alegue.

Non terán que presentarse aqueles documentos xustificativos dos méritos alegados que xa figuren no seu expediente persoal no enderezo web <https://www.edu.xunta.es/datospersoais>.

No caso de que o persoal participante posúa méritos que non consten no seu expediente ou que sexan incorrectos, deberá xerar unha nova solicitude no enderezo web

<https://www.edu.xunta.es/datospersoais> e, xunto cunha copia dos méritos alegados, achegala coa solicitude de participación neste concurso específico.

As persoas concursantes presentarán ademais un proxecto de traballo por cada posto que soliciten, que versará sobre as liñas básicas de actuación para o desenvolvemento das funcións inherentes a cada posto, tendo en conta as características destes, cunha extensión máxima de 20 folios por proxecto.

#### *Artigo 4. Lugar e prazo de presentación*

O prazo para a presentación de solicitudes para tomar parte nesta convocatoria, dirixidas ao director xeral de Centros e Recursos Humanos, será de cinco días hábiles contados a partir do día seguinte ao da publicación do anuncio desta convocatoria no portal web da Consellería de Cultura, Educación e Universidade (<https://www.edu.xunta.gal>) e poderán presentarse por vía electrónica utilizando o formulario PR004A, dispoñible na sede electrónica da Xunta de Galicia, <https://sede.xunta.gal>, ou ben no rexistro xeral da Xunta de Galicia (edificio administrativo de San Caetano, Santiago de Compostela), ou por calquera dos medios que establece o artigo 16.4 da Lei 39/2015, do 1 de outubro, do procedemento administrativo común das administracións públicas. No suposto de optar pola presentación da solicitude e demais documentación ante unha oficina de Correos, farase en sobre aberto para que a solicitude sexa selada e datada polo persoal de Correos antes de ser certificada.

Logo de rematado o prazo de presentación de solicitudes e demais documentación, non se admitirá ningunha modificación nas peticións formuladas. Non obstante o anterior, admitirase a renuncia á participación no concurso de méritos específico dentro do prazo de reclamacións á resolución provisional establecido no punto 4 do artigo 6, entendendo que tal renuncia afecta a todas as peticións formuladas.

#### *Artigo 5. Comisión de selección*

1. A selección das persoas aspirantes será realizada por unha comisión integrada polos seguintes membros:

Presidencia: o director xeral de Centros e Recursos Humanos ou persoa en quen delegue.

Vogalías: ata un máximo de catro vogais, entre persoal funcionario de carreira que ocupe postos de subdirección xeral ou xefatura de servizo da Consellería de Cultura, Educación e Universidade, ou membros da inspección educativa, e o director da Área de Solucións

Tecnolóxicas Sectoriais da Axencia para a Modernización Tecnolóxica de Galicia ou persoa en quen delegue.

Unha persoa funcionaria da Consellería de Cultura, Educación e Universidade, que actuará como secretario ou secretaria con voz e sen voto.

A comisión de selección poderá solicitar a incorporación aos seus traballos de persoas expertas, que se limitarán a prestar a súa colaboración. Ademais, poderá asistir unha persoa representante de cada organización sindical con presenza na Mesa Sectorial Docente non universitaria, con voz e sen voto.

2. A comisión poderá dispoñer a constitución de subcomisións técnicas para colaborar na valoración daqueles méritos e/ou proxectos de traballo que coide pertinentes. Cada un dos sindicatos da Mesa Sectorial Docente poderá nomear unha persoa representante, con voz e sen voto, para a asistencia ás sesións das subcomisións.

3. Para a valoración dos números 1, 2 e 3 do baremo establecido no anexo II, a comisión de selección poderá delegar esta función nunha subcomisión formada por persoal funcionario da Dirección Xeral de Centros e Recursos Humanos da Consellería de Cultura, Educación e Universidade.

4. Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 23 e 24 da Lei 40/2015, do 1 de outubro, de réxime xurídico do Sector Público, e terán dereito a percibir asistencias e axudas de custo por concorreren ás sesións, conforme ó Decreto 144/2001, do 7 de xuño (DOG do 25), modificado polo Decreto 144/2008, de 26 de xuño (DOG do 18 de xullo) e polo Decreto 96/2011, do 5 de maio (DOG do 30 de maio, c. de erros do 1 de xuño) estando cualificadas na categoría primeira.

#### *Artigo 6. Procedemento de selección e proposta de nomeamento*

1. Todo o persoal aspirante que obteña unha puntuación mínima de 4 puntos no/s proxecto/s poderá ser convocado pola comisión de selección á celebración dunha entrevista para mellor apreciar as circunstancias que concorren neles, e que versará sobre o proxecto ou proxectos presentados.

2. O persoal aspirante que non acade unha puntuación mínima de 4 puntos no correspondente proxecto e de 4 puntos na entrevista, no caso de ter lugar, non poderá ser proposto pola comisión. Será seleccionado o persoal aspirante que, obtendo as puntuacións mínimas sinaladas, acade

as maiores puntuacións no total dos puntos recollidos no baremo establecido no anexo III para a praza que solicita.

3. No caso de producirse empates no total das puntuacións outorgadas, estes resolveranse atendendo sucesivamente e por esta orde á maior puntuación nos apartados 1, 3 e 2.

4. Logo de realizada a valoración pola comisión, publicarase no portal de Internet da Consellería de Cultura, Educación e Universidade <http://www.edu.xunta.gal/> a relación provisional de persoas admitidas co baremo provisional dos méritos, e a relación provisional de persoas excluídas con indicación da causa da súa exclusión. Contra a relación provisional de persoas admitidas co baremo provisional e a relación provisional de persoas excluídas, as persoas interesadas poderán formular as reclamacións que consideren, no prazo de tres días hábiles contados dende o seguinte ao da súa publicación, e poderán presentarse a través do rexistro electrónico na sede electrónica (<https://sede.xunta.gal>), ou ben no rexistro xeral da Xunta de Galicia da Xunta de Galicia (edificios administrativos de San Caetano, Santiago de Compostela), ou por calquera dos medios que establece o artigo 16.4 da Lei 39/2015, do 1 de outubro, do procedemento administrativo común das administracións públicas. As alegacións así presentadas deberán remitirse tamén por correo electrónico no citado prazo ao enderezo [personal.secundaria@edu.xunta.gal](mailto:personal.secundaria@edu.xunta.gal). As reclamacións entenderanse resoltas e notificadas mediante a publicación da resolución definitiva.

5. Rematado o prazo de reclamacións previsto no apartado anterior e revisadas as presentadas polas persoas interesadas, a comisión de selección emitirá unha proposta de nomeamento dirixida á conselleira de Cultura, Educación e Universidade.

#### *Artigo 7. Resolución da convocatoria*

A consellería de Cultura, Educación e Universidade publicará no portal de Internet da consellería, <http://www.edu.xunta.gal/> a resolución definitiva do concurso. Contra a resolución da convocatoria, que pon fin á vía administrativa, as persoas interesadas poderán formular con carácter potestativo un recurso de reposición ante o director xeral de Centros e Recursos Humanos, no prazo dun mes contado desde o día seguinte ao da súa publicación no portal de Internet da consellería, <http://www.edu.xunta.gal>, de conformidade co establecido na Lei 39/2015, do 1 de outubro, do procedemento administrativo común das administracións públicas, ou ben directamente o recurso contencioso-administrativo no prazo de dous meses perante o Xulgado do Contencioso Administrativo que resulte competente, segundo o establecido na Lei

29/1998, do 13 de xullo, reguladora da xurisdición contencioso-administrativa.

*Artigo 8. Toma de posesión*

As persoas seleccionadas deberá incorporarse ás prazas obtidas con data do 1 de setembro do ano 2021, e cesarán no seu destino de procedencia o 31 de agosto do mesmo ano.

As prazas adxudicaranse en réxime de comisión de servizos, por un período de un ano e ata un máximo de seis, e con reserva do posto de traballo de orixe, de acordo co disposto no punto 2 do artigo 3 do Decreto 244/1999, do 29 de xullo.

*Disposición adicional*

1. Os requisitos para participar nesta convocatoria e os méritos que aleguen as persoas solicitantes deberán estar referidos á data de finalización do prazo de solicitudes.
2. Todos os méritos que xa consten no expediente do persoal participante non terán que ser xustificadas.
3. No que atinxe á antigüidade non se computarán as fraccións inferiores a un ano.
4. A titulación de grao valorarase como unha titulación de segundo ciclo sempre e cando non sexa a alegada para o ingreso no corpo.
5. As actividades de formación do profesorado a partir do 23 de maio de 2013 deberán cumprir co establecido na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia (DOG n.º 96, do 22 de maio).

Santiago de Compostela,

O director xeral de Centros e Recursos Humanos

Jesús Manuel Álvarez Bértolo



**ANEXO I**

N.º posto					
1	Escola de Especialidades Antonio de Escaño-Ferrol (A Coruña)				
	Profesores de ensino secundario	590	Sistemas electrónicos	124	2

N.º posto					
2	Escola de especialidades fundamentais da Estación Naval de A Graña-Ferrol (A Coruña)				
	Corpo	Código	Especialidade	Código	N.º prazas
	Profesores de ensino secundario	590	Administración de empresas	101	1
	Profesores de ensino secundario	590	Navegacións e instalacións mariñas	109	1
	Profesores técnicos de formación profesional	591	Máquinas, servizos e produción	210	1
	Profesores técnicos de formación profesional	591	Procesos comerciais	221	1

N.º posto					
3	Convenio: Consellería de Economía, Emprego e Industria				
	Destino: Centro Integrado de Formación Profesional de Coia-Vigo				
	Corpo	Código	Especialidade	Código	N.º prazas
	Profesores de ensino secundario	590	Organización e proxectos de fabricación mecánica	112	1
	Profesores de ensino secundario	590	Sistemas electrotécnicos e automáticos	125	1
	Profesores técnicos de formación profesional	591	Mecanizado e mantemento de máquinas	211	2
	Profesores técnicos de formación profesional	591	Instalacións electrotécnicas	206	1

n.º do posto					
4	Convenio: Consellería de Economía, Emprego e Industria				
	Destino: Centro Integrado de Formación Profesional Santiago- Santiago de Compostela				
	Corpo	Código	Especialidade	Código	N.º prazas
	Profesores de ensino secundario	590	Procesos de produción agraria	115	1



N.º posto		
5	Programa específico: Consellería de Sanidade	
	Destino	4.1 Complexo Hospitalario Universitario de Ourense
	Prazas	4.1: 1 praza para mestres/as
	Funcións	Proseguir a formación dos/das nenos/as durante a permanencia no hospital, sen que a actividade docente cause prexuízos ao seu benestar e non obstaculice os tratamentos correspondentes. Manter hábitos de estudo. Coordinación cos centros educativos aos que asisten normalmente. Estimular a actividade creativa para evitar o aburrimiento. Dar un carácter positivo e contido formativo aos tempos libres e de ocio no hospital.
	Requisitos	Persoal funcionario de carreira do corpo de Mestres
	Observacións	Horario adaptado ás necesidades do centro

N.º posto		
6	Programa específico: Consellería de Política Social	
	Destino	5.1. Centro Montealegre de Ourense 5.2. Centro de Atención Específica Montefiz-Ourense 5.3. Centro educativo Monteledo-Ourense 5.4. Centro Concepción Arenal-A Coruña
	Prazas	5.2: 1 praza de mestre/a 5.2. 1 praza de mestre/a 5.3. 1 praza de mestre/a 5.4. 1 praza de mestre/a
	Funcións	Docencia no centro ás persoas internas que, por diversos motivos, non asistan a clase en centros ordinarios. Apoio educativo ás persoas internas que están escolarizadas en centros ordinarios e coordinación cos ditos centros. Apoio educativo ás persoas internas matriculadas en modalidades de educación a distancia.
	Requisitos	5.1. Experiencia en educación de adultos e/ou en traballo con persoas con necesidades educativas especiais. Coñecemento de informática en canto á utilización deste tipo de recursos no proceso de ensinanza-aprendizaxe. 5.2., 5.3. e 5.4.: Experiencia de tres anos como mínimo en traballo con persoas con necesidades educativas especiais.





Observacións	Dispoñibilidade horaria (xornada partida para adaptarse ás necesidades das persoas internas)
--------------	--

Nº posto		
7	Programa específico: Secretaría Xeral para o Deporte (Presidencia da Xunta de Galicia)	
	Destino	6.1 Secretaría Xeral para o Deporte (Ourense) 6.2 Secretaría Xeral para o Deporte (Pontevedra)
	Prazas	6.1: 1 praza para funcionario de carreira do corpo de mestres ou do corpo de profesorado de ensino secundario da especialidade de Educación Física ou que posúa a licenciatura en Educación Física. 6.2: 1 praza para funcionario de carreira do corpo de mestres ou do corpo de profesorado de ensino secundario da especialidade de Educación Física ou que posúa a licenciatura en Educación Física .
	Funcións	Desenvolvemento da campaña do deporte en idade escolar. Participación na programación e divulgación da campaña de deporte en idade escolar e nas zonas e comarcas da súa área de actuación. Coordinación de grupos de traballo e dinamización da campaña. Elaboración de memorias e estatísticas da campaña
	Requisitos	Persoal funcionario do corpo de profesores de ensino secundario da especialidade de Educación Física ou que posúan a licenciatura en Educación Física. Experiencia na organización de competicións deportivas en idade escolar.
	Observacións	Horario apropiado ás necesidades da actividade deportiva e ao seu desenvolvemento (tardes, fins de semana). Necesidade de desprazamento ás competicións ou servizos de coordinación.

Nº posto		
8	Convenio: ONCE	
	Destino	7.1. Centro base da ONCE: Vigo
	Prazas	7.1: 1 praza de mestre/a



	Funcións	Atención á educación integrada de invidentes e deficientes visuais, cunha intervención directa, presencial e personalizada co/a alumno/a.  Atención á familia.  Asesoramento ao profesorado da aula.  Adaptación de materiais.
	Requisitos	Dispoñibilidade de vehículo particular

N.º posto		
9	Convenio : ASPANAES (A Coruña)	
	Destino	Centros Aspanaes de: Santiago de Compostela, Culleredo, A Coruña, Ferrol e As Pontes de García Rodríguez
	Prazas	1 praza de mestre/a ou profesorado de ensino secundario
	Funcións	Coordinación educativa dos centros concertados coa Consellería de Cultura, Educación e Universidade e Aspanaes na provincia da Coruña.  Traballo en integración social dos mozos/as con discapacidade. Actividades axeitadas a súa situación. Realizar e, se é o caso, coordinar as actividades extraescolares dos centros. Traballo en programas de desenvolvemento integral.
	Requisitos	Experiencia en educación especial ou pedagogía terapéutica.  Coñecementos sobre autismo e experiencia con nenos e nenas autistas.  Vehículo propio e carné de conducir
	Observacións	Horario adaptado ás necesidades

N.º posto		
10	Convenio : Asociación de pais de disminuídos psíquicos (ASPAS)	
	Destino	ASPAS: Santiago de Compostela
	Prazas	1 praza de mestre/a



		<p>Integración social dos mozos/as con discapacidade intelectual.</p> <p>A través do traballo, como terapia fundamental, mellorar a situación persoal e a calidade de vida destas persoas con discapacidade.</p> <p>Actividades axeitadas a esta situación.</p> <p>Realizar e, se é o caso, coordinar todas as actividades escolares e extraescolares do centro.</p> <p>Traballo en programas de desenvolvemento integral.</p>
	Funcións	
	Requisitos	Experiencia en educación especial. Especialista en pedagogía terapéutica ou en orientación educativa.
	Observacións	Horario adaptado ás necesidades do centro

N.º posto									
11	Programa específico: Fundación Monte do Gozo-Proxecto Home Galicia								
	<table border="1"> <tr> <td>Destino</td> <td>Santiago de Compostela</td> </tr> <tr> <td>Prazas</td> <td>1 praza para mestre/a ou profesor/a de ensino secundario</td> </tr> <tr> <td>Funcións</td> <td>Colaboración a nivel educativo para a rehabilitación e integración sociolaboral das persoas atendidas pola fundación. Actividades orientadas a facilitar a súa integración social e laboral e a adquisición de hábitos e actitudes positivas que favorezan o desenvolvemento e a maduración persoal, contribuíndo ao éxito do seu proceso terapéutico.</td> </tr> <tr> <td>Requisitos</td> <td>Horario adaptado ás necesidades da fundación.</td> </tr> </table>	Destino	Santiago de Compostela	Prazas	1 praza para mestre/a ou profesor/a de ensino secundario	Funcións	Colaboración a nivel educativo para a rehabilitación e integración sociolaboral das persoas atendidas pola fundación. Actividades orientadas a facilitar a súa integración social e laboral e a adquisición de hábitos e actitudes positivas que favorezan o desenvolvemento e a maduración persoal, contribuíndo ao éxito do seu proceso terapéutico.	Requisitos	Horario adaptado ás necesidades da fundación.
Destino	Santiago de Compostela								
Prazas	1 praza para mestre/a ou profesor/a de ensino secundario								
Funcións	Colaboración a nivel educativo para a rehabilitación e integración sociolaboral das persoas atendidas pola fundación. Actividades orientadas a facilitar a súa integración social e laboral e a adquisición de hábitos e actitudes positivas que favorezan o desenvolvemento e a maduración persoal, contribuíndo ao éxito do seu proceso terapéutico.								
Requisitos	Horario adaptado ás necesidades da fundación.								

N.º posto							
12	Convenio. Coordinador/a escolarización poboación marxinada.						
	<table border="1"> <tr> <td>Destino</td> <td>Lugo</td> </tr> <tr> <td>Prazas</td> <td>1 praza para mestre/a</td> </tr> <tr> <td>Funcións</td> <td>Potenciar a integración escolar do alumnado de poboacións marxinadas. Coordinación cos diferentes centros. Xestións coas familias para conseguir a súa escolarización. Control do absentismo escolar. Potenciación do interculturalismo.</td> </tr> </table>	Destino	Lugo	Prazas	1 praza para mestre/a	Funcións	Potenciar a integración escolar do alumnado de poboacións marxinadas. Coordinación cos diferentes centros. Xestións coas familias para conseguir a súa escolarización. Control do absentismo escolar. Potenciación do interculturalismo.
Destino	Lugo						
Prazas	1 praza para mestre/a						
Funcións	Potenciar a integración escolar do alumnado de poboacións marxinadas. Coordinación cos diferentes centros. Xestións coas familias para conseguir a súa escolarización. Control do absentismo escolar. Potenciación do interculturalismo.						



	Requisitos	Persoal funcionario de carreira do corpo de mestres/as que acredite experiencia en programas de integración de minorías, experiencia en educación compensatoria e habilidades de comunicación con poboacións marxgadas.
--	------------	---



Confederación Intersindical Galega  
ENSINO

**ANEXO II**

PROCEDEMENTO	DOCUMENTO
<b>Resolución do _____ de 2021 pola que se convoca concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, para cubrir postos de persoal docente en prazas sometidas a convenio ou a programas específicos.</b>	<b>SOLICITUDE</b>

DATOS DA PERSOA SOLICITANTE							
NOME		PRIMEIRO APELIDO		SEGUNDO APELIDO		NIF	
NACIONALIDADE		DATA DE NACEMENTO	PAÍS DE NACEMENTO	PROVINCIA DE NACEMENTO	CONCELLO DE NACEMENTO		
TIPO	NOME DA VÍA			NUM.	BLOQUE	ANDAR	PORTA
CÓDIGO POSTAL	PAÍS	PROVINCIA	CONCELLO		LOCALIDADE		
TELÉFONO		TELÉFONO MÓBIL		CORREO ELECTRÓNICO			
CORPO		ESPECIALIDADE		DESTINO CURSO 2020/2021			
DECLARACIÓN RESPONSABLE							
A persoa solicitante DECLARA:							
1. Que son certos todos os datos contidos na solicitude e na documentación achegada.							
2. Que a documentación achegada é copia fiel dos orixinais que constan no seu poder.							

PRAZAS QUE SOLICITA POR ORDE DE PREFERENCIA		
ORDE PREFERENCIA	DENOMINACIÓN	NÚMERO DE POSTO (según Anexo I)

<b>SINATURA DA PERSOA SOLICITANTE</b>
Lugar e data

Dirección Xeral de Centros e Recursos Humanos  
Consellería de Cultura, Educación e Universidade

**ANEXO III BAREMO**

MÉRITOS	PUNTOS	TOTAL PUNTOS MÁXIMO	DOCUMENTOS XUSTIFICATIVOS (Ver artigo 3)
<b>1.- Antigüidade:</b> Por cada ano de servizo como funcionario/a.	0,50 puntos	<b>5 puntos</b>	
<b>2.- Méritos académicos:</b> As titulacións no caso de que non fosen as esixidas con carácter xeral para o ingreso no corpo desde o que se participa, valoraranse da forma seguinte: (Titulacións distintas as alegadas para ingreso no corpo no concurso de traslados) 2.1.- Polo título de doutor/a..... 2.2.- Titulacións de segundo ciclo: por cada licenciatura, enxeñería, arquitectura ou títulos declarados legalmente equivalentes..... 2.3.- Titulacións de primeiro ciclo: pola segunda diplomatura ou os 3 primeiros cursos dunha licenciatura..... 2.4.- Título de grao.....	1 punto  0,50 puntos  0,25 puntos 0,50 puntos	<b>2 puntos</b>	Copia das titulacións alegadas, se é o caso
<b>3.- Formación e perfeccionamento:</b>  3.1 Por cursos superados homologados e que estean directamente relacionados co posto ao que se pretende acceder (0,10 puntos por cada 10 horas).....  3.2 Por cursos superados homologados e que non estean directamente relacionados co posto ao que se pretende acceder (0,10 puntos por cada 10 horas).....  3.3 Por cursos superados non homologados que estean directamente relacionados co posto ao que se pretende acceder (0,10 puntos por cada 10 horas).....  3.4 Por cursos superados non homologados que non estean directamente relacionados co posto ao que se pretende acceder (0,10 puntos por cada 10 horas).....  3.5 Por cursos impartidos homologados e que estean directamente relacionados co posto ao que se pretende acceder (0,30 puntos por cada 10 horas).....  3.6 Por cursos impartidos homologados que non estean directamente relacionados co posto ao que se pretende acceder (0,30 puntos por cada 10 horas).....  3.7 Por cursos impartidos non homologados que estean directamente relacionados co posto ao que se pretende acceder (0,30 puntos por cada 10 horas).....  3.8 Por cursos impartidos non homologados que non estean directamente relacionados co posto ao que se pretende acceder (0,30 puntos por cada 10 horas).....	Ata 2 puntos  Ata 1,50  Ata 1 punto  Ata 0,50 puntos  Ata 1,25 puntos  Ata 0,75 puntos  Ata 0,50 puntos  Ata 0,50 puntos	<b>8 puntos</b>	Copia da documentación alegada, se é o caso
<b>4.- Proxecto de traballo:</b> O proxecto de traballo deberá conter os obxectivos, planificación xeral, actividades, xustificación e definición á que corresponde a praza que se solicita.....(puntuación mínima esixida por este apartado: 4 puntos)	Ata 6 puntos polo proxecto	<b>Ata 6 puntos</b>	Orixinal, cunha extensión máxima de 20 folios





<b>5.- Entrevista sobre o proxecto presentado</b> (puntuación mínima esixida por esta epígrafe: 4 puntos).	Ata 6 punto	<b>Ata 6 puntos</b>	
--	-------------	---------------------	--

**ANEXO IV**  
**FOLLA AUTOBAREMACIÓN**

PRIMEIRO APELIDO

SEGUNDO APELIDO

--	--

NOME

DNI

--	--

CONCEPTO	PUNTUACIÓNS PARCIAIS	TOTAL
<b>1.- ANTIGÜIDADE (Máximo 5 puntos)</b>		
Por cada ano de servizo como funcionario/a.....	0,50	
<b>2.- MÉRITOS ACADÉMICOS (Máximo 2 puntos)</b>		
2.1 Polo título de doutor/a.....	1	
2.2. Titulacións segundo ciclo.....	0,5	
2.3. Titulacións primeiro ciclo.....	0,25	
2.4. Título de grao.....	0,50	
<b>3.- FORMACIÓN E PERFECCIONAMENTO (Máximo 8 puntos)</b>		
3.1 Por cursos superados homologados e que estean directamente relacionados co posto ao que se pretende acceder (0,10 puntos por cada 10 horas).....	Ata 2 puntos	
3.2 Por cursos superados homologados e que non estean directamente relacionados co posto ao que se pretende acceder (0,10 puntos por cada 10 horas).....	Ata 1,50 puntos	
3.3 Por cursos superados non homologados que estean directamente relacionados co posto ao que se pretende acceder (0,10 puntos por cada 10 horas).....	Ata 1 punto	
3.4 Por cursos superados non homologados que non estean directamente relacionados co posto ao que se pretende acceder (0,10 puntos por cada 10 horas).....	Ata 0,50 puntos	
3.5 Por cursos impartidos homologados e que estean directamente relacionados co posto ao que se pretende acceder (0,30 puntos por cada 10 horas).....	Ata 1,25 puntos	
3.6 Por cursos impartidos homologados que non estean directamente relacionados co posto ao que se pretende acceder (0,30 puntos por cada 10 horas).....	Ata 0,75 puntos	
3.7 Por cursos impartidos non homologados que estean directamente relacionados co posto ao que se pretende acceder (0,30 puntos por cada 10 horas).....	Ata 0,50 puntos	



3.8 Por cursos impartidos non homologados que non estean directamente relacionados co posto ao que se pretende acceder (0,30 puntos por cada 10 horas).....	Ata 0,50 puntos	
---	-----------------	--



Confederación Intersindical Galega  

---

ENSINO